

欽定四庫全書

子部

蘇沈良方卷

五至八



南京中医药大学图书馆版权所有

欽定四庫全書

和氣

胃

蘇軾沈括撰

早 白朮 縮砂肉

訶子肉 各半 肉

兩 二味同厚朴一處 煮令乾同柞為團

欽定四庫全書

蘇沈良方

焙乾
用

右同為末每服二錢入鹽少許沸湯點空心服此藥偏療腹痛天台呂使君自來有腹痛疾發即悶絕連日不差有一道士點此散飲之一服遂定自後每發即飲數服痛如失去予得之累與人服莫不神驗治冷瀉尤妙腹痛最難得藥此方只是溫脾藥耳特工止痛理不可知

引氣丹

理一切滯氣

硃砂研

安息香研

麝香研一分各

白芥子三百六十

粒炒

大戟末一錢

牛黃半錢研入

牽牛末一錢

五

靈脂研入

乳香研入

沒藥研入各一錢

斑猫二十七箇去翅頭足

研入

巴豆二十七粒研出油不出油助使快

右件都研令勻用紅米飯為丸如麻子臨時湯下之太醫潘環帶囊中常貯此藥倉猝疾多用之

沈麝丸

治一切氣痛不可忍

沒藥

辰砂

血竭

麝香

沈香

各一兩

木香

半兩

右皆生用銀磁器熬生甘草膏丸皂莢子大薑鹽

湯嚼下血氣醋湯嚼下松滋令萬君擬寶此藥婦

人血痛不可忍者只一丸萬君神秘之每有人病

止肯與半丸徃徃亦差

礞石丸

治諸痰

硝砂

一兩米醋
三升化

巴莖霜

二兩半
以上先煮

青礞石

半兩
研

三稜

一兩醋浸一宿
以上次煮

大黃

一兩半分三分
煨炒又次煎

木

香櫟榔

肉莖菹

猪牙皂角

去皮炒
一云炙

肉桂

乾薑

炮

丁香

蓬莪朮

各一兩

芫花

醋浸一宿
炒微有烟

青橘皮

白莖菹

墨

燒

八分過
各半兩

胡椒

粉霜

研

各一分

麪

二兩酒半觔
化又次煎

以硝砂醋合巴豆煮兩食久投礞石三稜又投酒

麪又投大黃相去皆半食久乃入衆藥熬圓菜豆

大每服三五圓酒飲雜下凡癥積飲食所傷氣凝穀食不化皆能愈

褐丸

消食化氣止泄瀉腹中諸冷疾

烏頭

炮去皮

桂

香附子

微炒

乾薑

炮

陳橘皮

微炒

右先用川巴豆取肉麻油內慢火煎自旦及午候

巴豆如皂子色即止淨拭冷水中浸兩日日再換

水又拭乾研如油極細須研一日方可用以鐵匙

刮起薄攤新瓦上如一重紙厚候一伏時以鐵匙
刮下再研極細每巴豆霜一兩即諸藥各五兩為
細末水調成膏與巴豆同研千萬匝再用絹羅過
更研令勻用陳米一升半為細末水調成膏直候
微酸臭即煮為硬糊細研令無塊硬處乃與衆藥
為丸如菴豆大每服五七丸隨湯使下此只是食
藥然食藥方至多無如此方者能和脾消氣進食
止瀉去積凡食物壅隘服之即消腹中不平脾胃

諸疾服之莫不康泰蘇州有人賣一朱砂丸食藥
無所不治其效如神以此致巨富服其藥者徧天
下人無有得其真方者後有親人竊得乃與此一
同但加朱砂為衣耳人家宜常合長少皆可服
神聖香薷散

治胃氣虛霍亂吐瀉轉筋腹痛

原注出吳
統五臟論

香薷穗

經霜者
一兩半

新厚朴

取心

川黃連

各二兩

白扁

豆

一兩
焙

右先用薑汁四兩一處杵黃連厚朴二味令細炒
成黑色入香薷扁荳二味都為末每服五錢水一
盞酒一盞共煎至一盞入磁瓶內蠟紙封沈入井
底候極冷一併服二服至死者亦活京師有人賣
此藥一服三百錢

治腹中氣塊方

大黃

華撥

等分
生用

右蜜丸梧子大麝香水下二三十丸空心服日三

服貴州守李承議得嵐瘴夫婦兒女數人相繼而死有二子歸嶺北皆病腹中有塊如瓜瘦若欲死陳應之與此方服及三十服氣塊皆消應之云此寒熱相雜所當以寒熱二物攻之

梔子湯

治胸痺切痛

梔子

二兩

附子

一兩炮

右每服三錢水一大盞薤白三寸同煎至五分溫

服泗州有人病歲餘百方不效服此二服頓愈

蘇合香丸

治肺痿客忤鬼氣傳屍伏連碓磔等疾又治心痛霍亂吐痢及諸瘡瘀血月閉疰癘丁腫驚癇邪氣狐媚瘴癘等疾

蘇合香 白朮 硃砂 沉香 訶子肉 丁香

木香 香附子 白檀香 乳香 華撥 烏犀屑

安息香 各一兩

麝香 龍腦 各半兩

右為末煉蜜丸如鷄頭實大每服一九溫酒嚙下
人參湯亦得此方人家皆有恐未知其神驗耳本
出廣濟方謂之白朮丸後人編入外臺千金等方
真宗朝嘗出蘇合香酒賜近臣又賜蘇合香丸自
此方盛行于世此藥大能安氣血卻外邪凡疾自
內作不曉其名者服此徃徃得效惟治氣疰氣厥
氣逆氣不和吐痢滯衛阻塞尤有神功予所親見
者嘗有淮南監司官謝執方因嘔血甚久遂奄奄

而絕計無所出惟研蘇合香丸灌之盡半兩遂蘇
又有一船工病傷寒日久而死但心尚暖不忍棄
而不救試與蘇合香丸灌之四丸乃省遂瘥又友
人為兩浙提點刑獄嘗病大瀉目視天地皆轉諸
藥不效服蘇合香兩丸頓覺輕爽腹瀉亦止予目
覩救人于將絕者不可勝計人家不可無此藥以
備急難瘟疫時服之尤驗倉猝求人參不得只白
湯亦佳勿用酒古方雖云用酒下多不效切宜記

之東陽劉使君少時嘗病瘵日漸羸削至于骨立
肌熱盜汗不止人有勸服此藥凡八九兩即瘥一
方有牛黃半兩古方無之乃後人加也

明月丹

治諸癆

兔屎

四十
九枚

硃砂

如兔屎相類大
者四十
九枚

右用生蜜為丸以生甘草半兩碎浸一夜取汁五
更初下七丸勿令病人知之藥下後頻看若有蟲

急打殺以桑火油煎使焦棄惡水中三日不下更服須月三日以後望前服之忌見喪服色衣婦人猫犬之類後服治癆補氣藥取瘥威愍孫元規藏此方數能活人江陰萬融病癆四體如焚垂困一夜夢神腹擁一月大如盤明爛不可正視逼人心骨皆寒已而悸寤俄有人扣關乃威愍使人遺之藥服之遂瘥問其名則明月丹也始悟向之所夢大抵此藥最治熱癆又云傷寒煩燥骨熱皆治

火角法

治久冷痰咳嗽及癆嗽服藥無效者

雄黃

通明不爽
石者一兩

雌黃

不爽石者半兩
二味同研極細

蠟

三兩

右先鎔蠟令冷下藥末攪勻候凝刮下用紙三五段每段闊五寸長一尺鎔藥蠟塗其一面令厚以竹箭卷成筒子令有藥在裏幹令相著乃拔去箭臨臥熨斗內盛火燃筒子一頭令有烟乃就筒子長引氣吸取烟陳米飲送下又吸每三吸為一節